

РУСКИ НОВИНИ

„Руски Новини“ виходза кажди тидень. — Предплата на рок 60 Дин.
Адреса: „Руски Новини“ Р. Керестур.

ЗА РУСИНОХ У ЮГОСЛАВИЈИ

Издава: Руске Нар. Просв. Дружтво
Редактор: Мих. ФНРАК.

Найважнейши висти.

ПАТКАНИ ШЕ ГРИЖУ.

2. марта почал у Москви заш еден вельки процес проци бѹвших преднякох большевицкей держави. Оскаржени су: Бухарин, главни ученик большевицкей науки, Риков, бѹвши предс. большев. републики, Ягода, шеф кирзавей Чеки, Раковски, бѹвши предс. Украинскей большев. републики, Крестински, Иваиов и други, а шицки прето, же робели проци Сталіна и бѹли у звязи зос Троцким. И сам Троцки, котри ше тераз находзи у Норвежкей, оскаржени за дїла ище зос 1921. року, кеди вон бул на чолѹ большевицкей армиї та же теди сцел зрѹциц Ленина и Сталіна. Оскаржени тиж штирме професоре медицини, же отровели большев. писателя Максима Горкого и шефа Чеки Менжинского. — Паткани ше грижу и таманя медзи собу. То стари закон каждей револуциї.

АВСТРИЈА ШЕ НЕДА.

Од того часу, як австрийски канцелар — шеф влади, на домагане Гитлера мушел прияз до австрийскей влади двох астр. гитлеровцох, почало ше на шицки страни у швецѹ писац и гѹториц, же то значи початок конца самостойней австрийскей держави. На то виявел Др. Шушник у австр. парламенту, же вон и шицки австријанци стоя твардо на тим, же Австрија ма остац самостойна немецка и християнска держава и не да ше под команду Гитлера. — Позната ствар, же Гитлер би уж давно на силу »присоединел« Австрию Немецкей, да ше не бої Французкей и Англиї. То би значело почац европску войну.

ДОГВАРЈАЊА АНГЛИЈИ И ИТАЛИЈИ.

По одступу английского министра Идена, котри ше процивел окремому догваряню зос Италию и несцел Талияном попуцовац, почали ше у Риме догваряня медзи Англию и Италию о ушореню важних питаньох, котри ше обидвох державох тичу. Догваряня бѹду тирвац вецей днї. Английски новини пишѹ, же Италия ставя тоти условия за споразум з Англию; 1. Англия признава Италиї Абесинию, 2. Талиянске и английске поморске наоружане на Штретоземским морю бѹдзе еднаке, 3. Англия призна генерала Франка як шефа еспанскей народпей держави, 4. Италия достава еднаке право контроловац Суэзски канал (наиблїжша драга з Италиї до Абесиниї) як и Англия. — Чежко повесц, чи Англия на тото шицко пристане. Кед ше тоти догваряня розбию, английска влада муши задзековац и у Англиї бѹду нови виберанки. До влади би ше могол врациц заш Иден и Англия би предлужела свою неприятельску политику проци Италиї. Положай барз важни и од тих римских догваряньох вельо одвисни мир у Европи.

Нашо у Галичине

Обце познато швету, же нашо браца у Галичини чежки живот провадза. Прето ше вони не з розкошу, але з нужди виселюю зос своего краю до цудзини — так и до Босни, же би нашли фалаток насущного хлеба и лепшу долю за себе и своїх.

У Польскей горше.

Кажди зна, же там тераз вельо векша нужда, у якей нашо браца жию под польску владу, як то було пред войну. Галицки наш народ е на 85% паратски народ. То би само посебе не було зло, бо селянски народ ише здравши, зачуванши, непогубени, а полни в силох и способносцох за живот. Нужда зос того настава, же нашо браца там маю барз мало поля. Од тих 85% лем 5% маю понад 10 гольти поля, а найвекша векшина ма по 2—3 гольти, на котрих селянска фамелия не може вижиц. Там нашо селянски фамелиї маю до 8—10-цѹро души, а и вецей. Кажди рок природне коло 50 000 украинского народу, та цо даљей вше цеснейше. Уж вешка у Галичини жив на едном квадратним километру 90 селянох, док у других крайох Европи 25—50.

На заробок до других державох як до Америки, лѹбо Немецкей вешка не можѹ пойсц як то пред войну мож було. Америка роботнїкох не прима, бо ма своих вецей милиони без работи, а до Немецкей пуцаю Поляки лем своих Мазурох. Нашо маю дома гладовац и провадзиц живот у такей велькей нужди, не чудо, же ше трафяю крадзи и други хиби, яки звикли буц лем у таких обстановох, дзе пануе глад и остатня нужда.

Жем лем Поляком.

У Галичини були донѹдавна вельки польски и жидовски пустари, цо мали по вецей гольти поля, як цали валал. Польска их влада парцелуе и предава, але купиц то не може нїхто други крем Поляка и Мазура. На тото Поляки барз меркую, да ше не уйдзе зос тей жеми ані едному нашому селянови, за котру вон столїтями свою крѹв розлївал у борби зос Татарами и Турками. На тоти парцели польска влада населюе Мазурох помедзи чисти наш народ, же би росло число Полякох у Галичини, цо е стари украински край, да го претвори на „Малопольску“. Дагдзе-дагдзе ше трафи же ше уда и нашому селянови купиц фалаточок жеми, але лем потаємне, но то вон драго ма заплациц.

Поляки прицискую

Крем тих бидох, прициска наш народ там и тота, же Поляци наш народ прицисли зос такима порезами, яких нїгдзе на швецѹ нет, та ше нїяк не можѹ одплациц. А кед даде ище и тото прешлїдоване нашего народу у Польскей, дзе ше з нашим человеком вообщѹ не рахуе, ані му ше бешѹда не признава, гоч там нашего народу ест коло 5 милиони (крем тих ище 2 милионох на Волиню) и телї арештованя, суди, цемнїци, у котрих препада рочне на сто и сто младих животох, бѹдземе мац пред собу прави образ биди и нужди, цо наш народ под польску владу подноши неправедно и не бѹдземе ше вельо чудовац теро-

ристичним випадком в асигнатором, по че он часу до часу там явию.

Поровнайме.

Описали зме чежки материални, привази, газдовски и ище чежини народни живот нашого народу под польску владу зато, да ми знаме чим баржей цѹпц шлебоду цо ю уживаме у нашей держави и да готу шлебоду чим лѹпше вихаспуеме за своєю добро. Материјално Русини у векшини досц добре стоја, такей худоби, як там за Карпатами у нас инак нет. У газдовстве ше змага наш народ и ступа вше напредок. Так треба робити тиж у народно-просвитним змаганю. Практично то значи: кажди Русин треба да е член „Просвоти“, кажда руска хижка да трима Руски Новини, да ма Руски Календар, дзѹци „Нашу Заградку“, кажди руски валал длужен мац своєю руску шпоровиу касу-кооперативу, способни руски дзѹци треба да иду до висших школах. Да можеме го вецей дзѹци школовац, зато би було потребно да маме свой руски интернат у едном блїзким варошу (најлѹпше у Винковцох), бо рижни наш грекократ семинар у Загребѹ не може вельо наших способних школярох прияз. На тоти шицки нашо народни потреби треба да кажди наш свидоми человек дума, да ше за нїх стара и да за народни потреби жертвуе. (мф)

Наша друкарня.

Знаме, же шицких Русинох интересуе, як роби и як ше розвива наша нова друкарня Просвити. Зато даваме ту кратки звит за прешли рок.

У прешлим року друковала наша друкарня Руски Новини тижньово, Рїдне Слово двараз у мешацу, а од септембра и „Нашу Заградку“ раз у мешацу. Крем того видруковала Руски календар, Коляди и Верген, красни побожни читаня за Крачун.

У Друкарнї робели стално двома типографѹ и еден помочни роботнїк.

У материјалним погляду Друкарня закончела рок зос активу, то ест виплацела шицки своєю потреби и остал чисти хасен Просвити гоч е не вельки. А наша друкарня и не изде за вельким хасном, але лем да ше отрима и да може по цо туншей цени друковац виданя нашей Просвити. То ше и посцигло.

Як уж познато, за друкарню ма највѹцей заслуги пок. парох керестурски о. Михайло Мудри, котри на ню даровал 35.000 Д. вѹц Преосв. Владика котри даровал друкарски материал у вредносци коло 20.000 Д. вѹц Преч. каноник Надь, котри даровал 15.000 Д., а вѹц цали руски народ, котри даровал на друкарню по возможносци а були и векши дарователѹ.

Прешли рок бул рок проби и вон нам ше добре удал. У новом року друкарня ма ище вецей работи. Зос щедру помоцу Преосв. Владика баш тераз ше друкуе „Молитвеник за руски дзѹци“. Бѹдзе то перши молитвеник на нашей бешѹди. Вѹц маме друковац даскельо просвитни кнїжки, школски кнїжки, часопис „Думка“, Церковни писнї и Руски Календар. Од 15. фебруара мушѹли зме вѹцац ище едного типографа, да можеме шицку роботу на време позвершовац.

Друкарня постала тераз главна сила у нашим просвитним змаганю. Вше ше вона муши подполнѹвац и куповац нови материал, да може цо лѹпше робити. Зато барз вельку помоц даваю друкарнї нови дарователѹ. Кажди нови дарователѹ на Друкарню кладзе нови цегелки до нашего просвитного зданя.

Большевицка армия.

По числу воякох московски большевици маю, тераз найвекше войско на швецѣ. Рахуе ше, же у сталним кадѣру маю большевици миллион и пол воякох, а вивежбаней резерви 10 миллиони. Дзелі ше тота армия на 100 пешадийски дивизиї. Кажда тота дивизия ма 3 полки пешадий, полк дзелох, и еден батальон танкох. Далей ест 30 дивизиї коняникох (кавалерия) кажда дивизия ма три полки кавалерий и полк дзелох и танкох. Ест ише 10 дивизиї моторизовани (вояки на моторох). Шицки тоти дивизиї маю дзела проци авийонох и проци танкох. Большев. армия ма коло 8.000 танкох и 6.000 авийонох.

Була би то велька воєна сила, кед би большев. держава була здрава, добре ушорена держава. Але слабосц тей армії лежи баш у кирвавей диктатурі Сталіна, котри забива каждого и велького и малого, на кого лем сумня, же в проци ньому. То цалком ясно, же не може буц моцна и здрава держава, у котрей лем у остатніх 9 мешацох забити 31 державни предняк, сами бувши министри (народни комесаре) и 300 других преднякох большевицох, цо були на високих положайох. Не може буц моцна держава, котра завера 500 директорох найвекших фабрикох и підприємствох, од котрих велі робя за войско и трѣцина од нїх поштреляни, а велі ше сами заштрелели. Войска такей держави не може буц моцна гоч яка би моцна була.

Іу тому Сталін дал у прешлим року поштреляц найспособнейших генералох (як маршал Тугачевски) — бал ше их. Скоро трѣцину своїх висших официрох дал Сталін цо поштреляц цо позаверац. Маршалу Ворошилову поставел двох политичних контролорох Меклиса и Шаденка и без їх одобрѣня не може маршал ніч зробиц. У воєнскей флоті на морю заштрелел Сталін трох адмиралох: Орлов, Сипков и Лудри.

Тоту слабосц большевицкей войски добре осетели Японци и зато вони имѣли завжац Манджурску и нападнуц на Китай. Знали, же большевици неспособни, да им то препреча

Кресценє руского народу у Києве.

988. року покресцени княз Владимир пошол зос царску византийску принцесу, тераз його винчану жену зос Корсуна до Києва, да покресци и свой руски народ. Владимир почал свою апостолску роботу од главного варошу Києва, а то не було чужко, бо у Києве уж було вельо християнох особено мезди боярами и у войску, а и Русини не були християнскей вири противни.

О самим кресценю Киевлянох так приповеда руски літописец:

„Кед Владимир пришол до Києва и розказал позруцовац древени идоли и едни дал порубац, други на огню спалиц. А Перуна (главного поганского бога наших предкох) розказал привязац коню до хвоста и цагац зос грунка долу гү Дніпру, а еден го человек неперестано бил зос железну палицу, бил го не пре древо, котре ніч не осети, але да поганьби идола-беса. Цагали го долу до Дніпра и плакали людзе, бо ише не прияли християнску виру. Вец го руцели до рики. И Владимир розказал, кед дайдзе ше при брегу идол затрима, дрилц го далей док не прейдзе през дніпрову праги. Аж за прагами вируцела Перуна вода на сухо и тото место ше вола Перунов Ринь.

Теди розказал Владимир, да ше други дзень шицки людзе позбераю на кресцене. „Кед дахто не придзе, богати чи худобни, тот мой неприятель“ — преглашел Владимир. Народ послушал и зишол ше. „Кед тота вира не була добра, княз и бояре би ю не прияли“ — гуторели людзе мезди собу. А зишло ше вельке множество народа. Пришол на Дніпро

Оглашка

Шицки писателе Руского Календара поволую ше, да цо скорей явя свой статї (писаня), котри сцу написац за Р. Календар на р. 1939. и то на руску парохию у Ст. Вербасу. Такисто фотографий (слики) цо скорей послац, же би нам Календар цо красши вишол.

Статї треба писац кратки и цо вецей в народного живота и за наш народ потребни и хасновити. Писац треба лем на едней страни. Термин посиляня статъох найдалей 1. май т. р.

Треба нам учительох.

Нет нашого валала дзе, би нам не требало поставиц учительох, а заш од войни нашо школяре нерадо иду до учительских школох. Док Серби и Хорвати барз любя тото званє наш го народ керув. Пре вельке число школярох у учительскей школи, держава почала сперац повекишованє число нових школярох у учительских школох. Еден час примали ше до учительских школох лем школяре, котри скончили штварту класу гимназий з одличним успехом. То ест лем таки школяре, цо ше сцу учиц и котрим наука идзе легко до глави. Але родителе, котри мали таки дзеци, думали себе, ша кед нам ше дзедко лехко учи и сце ше учиц, будземе на нього 3-4 роки вецей трошиц, та годно дойцу до векного паньства. На тот способ кус, покус остали учительски школи у нашей держави през школярох, бо штредні и слабши школяре ше там вецей не примали а добри ше не сцели до нїх записовац. До учительских школох ше збивали уж лем дзивчата, бо то за нїх ише найприкладнейша служба.

Але да ше не забудзе, же едного дня останю школи през учительох, у бюджетскей дебати виявел министр просвити п. Магараевич, же ше на вшенє до учительских школох буду примац лем хлапци. До тераз ше примали до ней лем звершени ученици IV. класи гимназий, а тераз ше буду примац и

княз, бояре и священници, цо их княз привел зос Корсуну. Шицки людзе вошли до води, одросли по шию, млади при брегу до першох, родителе тримали на рукох дзеци, а священници зос брега читали молитви и кресцели народ, — як то видземе на тей слики.



„И задовльни бул Владимир, же упознал Бога вон сам и його народ“ — пише наш літописец.

Церковна организация.

По кресценю Киевлянох ширела ше Христова вира з Києва по цалей держави, розуми

одлични и барз добри школяре зос закончену гражданску школу.

Барз добре зробиц родителе, котри маю таки дзеци, цо маю условия за упис до учительскей школи, да вихасную тоту нагоду, да их запишу на лето до учительскей школи.

На тот способ осигураю фришко егзистенцию своїх дзецох, а з тим ше одклонї недостаток учительох по наших валалох.

Мудросц живота

Живот то не кїїжка, котру мож и два-раз читац.

Найлепши роки тоти, котри человек не чита.

Праву Голгофту преживює тот человек, котри нікого нема, хто би му помог ношиц його криж. А кед вон под нїм спадне, нікого да го дзвигне, а кед вон будзе на нїм прибити нет нікого, цаму больом спалени уста овлажи.

О долї нігда не гуторя тоти, котрим ше добре ведзе.

Кед би на швецѣ не було нещесца, не було би анї щесца.

Там, дзе шицки ходза на глави барз шмишним випатра тот, хто ходзи на ногох.

Охав людзох, з котрима ше не можеш звариц и погледай других прето, бо у едностци и порозуменю щесце живота и шицка його краса.

Хто плювє на родзени дзвери, того цудзи дзвери вдера по петох.

Не отверай дзвери своей хижи гоч кому, а тим баржей чувай дзвери своей души.

Доля преганя лем того, хто ше ей руца под ноги.

Буц человеком не так легко, як велі думаяю.

Найвечей зла роби человек сам себе.

Поведз ми у чим уживаш, повем ци яки ши человек.

Ширце „Р. Новини“!

ше найперше по варошох, а вец по валалох. Нігдзе ше Русини Христовей вири не процивели, лем на сиверу предки ишикайших Русох Москальох у Вельким Новгороду не сцели ше покресциц, та их вовводи мушели их при-

силовац та таки и остал на тих Воеводох спомин же „Путята хрестил огнем, а Добриня мечем“. Замало було священикох а и тоти були Греки, цо нашей бешеди не знали та кресценє у оддалєних валалох ишло помали. то цалком розумливо.

О женїдби.

Остатнї дзень 1930. року дал Вселенски Архирей Папа Пий XI. свой остатнї благослов того року у вельким посланню за цали швет под титулом:

»Християнска женїдба зос згляду на днешнї обставини, чежкосци и похибки у фамелиї и у дружству.«

У тим посланню верховни наш пастир точно описує:

природу християнскей женїдби и ей достоїнство; вельки неприятельски напади на саму природу женїдби, як и на трояки благослов християнскей женїдби: на дзецко, на єдносци, вирносци и на Тайну Женїдби.

На концу Вселенски Архирей дава и поради шицким вирним, цо им треба и як робиц, да у женїдби заш завлада добри и здрави дух.

О тим важним посланню у других народох написани до нешка велї кнїжки. По цалим швецю отримую ше виклади през цали тижнї на основу того послания. Виклади тримаю перши учени людзе. Таки тидзень отримани по одредзеню шицких католицких владиких прешлого року и у Загребу. Наскоро видзе велька кнїжка о тих викладах и кажди там найдзе шицко, цо потребно знац о женїдби.

У тим истим посланню Верховни Пастир Христовей Церкви розказує владиком и священником, да чим лєпше поуча своїх вирних о св. Тайни Женїдби, а вирни най поучую своїх дзецох. Кед людзе буду добре розумиц, цо то женїдба, теди буду и фамелиї щешлїви, а по фамелийох и цали швет.

Тот розказ Папи Пия XI. понукал и мене, же сом одлучел у даскелїх науках на основе истого послания обробиц св. Тайну Женїдби за своїх християнох, котри не маю нагоди, да о тим читаю други учени кнїжки. Тоти науки видрукую нашо Руски Новини. Кед дахто од читательох ище дацо вецей будзе жадац, най ше обраци на владическу канцеларню: достане потребни розтолкованя. —

ОБЩА ОФЕНЗИВА.

Два Божї организациї.

Два организациї устанавел сам Г. Бог и то єдну у раю, кед створел человека, а другу кед го одкупел. Перша ше организација вола фамелия, а друга Христова Церква.

Обидва тоти организациї маю єдну и исту конечну цель: да человека приведу гх Богу. Фамелия ма першу длужносц зос помоцу Божу зродзиц человека и виховац го, а Церква ма длужносц зос ласку Божу пошвецци человека и допроводзиц го до неба. понеже тоти обидва организациї устанавел

Бог, Вон им прето и обидвом Сам написал свойо вични и непременлїви закони.

Тоти закони не може пременїц нїяка людска власц: ані церковна, ані цивилна. Кед би їх даяка власц сцела пременїц, вона би ше мишала до права самого Бога. Прето кажди людски закон, хтори би сцел меняц лебо подценьовац того, цо сом Бог одредзел, роби страшне святокрадство, хторе сцагує прокляство Боже на поединцох, на цали народи и на цали швет.

Нїхто вас не може знїщиц — незнїщими сце.

Обидва организациї, фамелия и Церква, то діло Боже и вони устанавели на то да приводза человека гх Богу. Зато тоти организациї буду тирвац до конца швета покля буду людзе жиц на жеми. Обидва организациї незнїщими. Аж кед вимре на жеми цали род людски, теди вимре и остатня фамелия, и зос шо престане истновац и Христова Церква на тим швецю

Царски ше престолї з бегом часу преврацаю, держави препадаю, народи вимераю, култури щезаю — а фамелия остава, бо в Божа и природна установа.

Обици потоп потопел людски род, а фамилия остала.

Французка революция подминовала дружтво, понїжела людске достоїнство; Боже величество мушело сцакац зос церквох, — а фамилия остала.

И кед би неїнкайши большевики розбили шицки фамелиї, Божї би ше закон не пременел, вон би остал, якщо и бул. Большевики ше зос своєю криву науку розпадно як цо ше розпадує кажде циганство. Вони зроби место другима, а фамелия заш виришне так, як зиходзи ярне младе квецю зос в жиме отпочинутей жеми.

Анти-Христ роби.

Уж св. Йоан Евангелист (у своїм 2. 3. посланню) опомина вирних, най ше клоня тих, котри не признаваю Исуса Христа за Сина Божого. Вон таких вола „антихристами“ бо слухало нечистого духа.

Таких було вше, а єст их барз вельо и нешка. И на цо най баржей рубу?

На Християнску фамелию и на христову св. Церкву. А прецо вони так робя? Прето, бо тоти два твердинї сам Бог поставел, жеби души знаходзели у нїх свою охоронх, подпорх и силх. Вони ше медзи собу допояню, змочною и єдна другей помага. Фамелия помага св. Церкву и ей діло спашеня душох, а св. Церква чува фамелию и ей Боже походзене.

Зато не чудо, же диявол наставел свойо дзела против тих двох твердиньох, против фамелиї и против Церкви. Вон так рахує: кед знїщиме католицку Церкву, розпадне ше и фамелия; кед розвалїме фамелию, розвалї ше и церква.

(Далей будзе.)

Просвита у Дунайскей бановини.

Дунайска бановина, у котрей єст найвецей Русинох ма 1.152 народних школи, 4.820 учительох и учительки. На початку того школского року у народних школах було уписано 193.000 дзеци. Гимназиї єст 25 державни и єдна прибатна у Смедеребскей Паланки. зос 16.700 ученикох и 750 професорох. Учительски школи єст штири зос 415 учениками. Прибатни школи 4 Руски кадетски корпус и Институт за дзибчата у Билей Церкви, сербско-православна богословия у Карловцох и немецка учительска школа у Вербаше. Граждански школи єст 31.

Нови бански бюджет Дунайскей бановини дава медзи другима и тоти просвитни подпори: 300.000 Д. Соколом, 60.000 Д. Матици Сербскей, 150.000 Д. Ядранскей Стражи у П. Саду и 100.000 Д. за будоване церкви у Лазаревицу у Сербїи.

ПАЦИЕНТ И ДОХТОР.

Скоро шицки людзе маю страх пред дохтором, а особено ше боя людзе дохтора за зуби. Правда, єст и шмели и тварди пациенти, але и вони часто траца своєю шмелосц у почекальнї зубного дохтора.

До єдного зубного дохтора у Данцингу пришол єден пациент и гварел, же ше вон нїч не бої и же є тварди та най му дохтор бине зуб без инекциї. Дохтор пристал, але лем цо долапел зуб зос клїщами и першираз поцагнул тварди пациент скочел як збешнети, пребрацел карсцель, побил дохтора и порозбивал шицко у ординациї. Шицко то поробел од велького болю. Ствар пришла пред суд и дохтор питал 15.000 одшкодованя за то, же го набил и за погубени ствари. На судзе ше дохтор и пациент поєднали, але ше дохтор зарек, же од тєраз нїкому не будзе винїмац зуб без инекциї.

Кед то видзел Владимир, вон замодлел священникох зос Болгарскей, од патриарха у Охриду, да му пошлє священникох Славянох, котрих би народ розумел. Тоти болгарски священїци принєсли зос собу церковни кнїжки писани на язїку болгарских Славянох, котри преложели зос греческого язїка славянски апостоли Кирил и Методий. Тот язїк ше дакус розликовал од старих Русинох, але го вони ипак розумели. На тим язїку служи ше и до нешка богослужене у наших церквох. На тим церковнославянским язїку почали стари Русини писац и други нецерковни кнїжки, дакус мишали живи руски язїк, котрим народ паисце бешедовал и так на тей мишанїни церковнославянского (лебо староболгарского) язїку и живеї рускей бешеди писана шицка стара руска литература до конца 18. столїтия.

На звонка ше християнска вира указовала у явним богослуженю и у будованю християнских церквох. У Києве на тим месце дзе стал идол Перун, поставел Владимир церкву св. Василия, котре мено княз приял на кресценю. На другим месце у Києве вибудовал красну церкву Пресв. Богородици, цо достала мено „десятина“, бо Владимир на ей отримав одредзел дзециатину од своїх приходох.

На чолє рускей християнскей церкви стал Митрополит у Києве. Вец були владичества у Переяславе, Чернигове, Турове, Перемишлю.

Перши митрополит у Києве бул Грек, але други уж бул наш Русин славни митрополит Иларийон. (Далей будзе.)

В. Юрченко.

Зос соловецкого пекла на шлебоду.

І. Сам. (4)

Нервозно сом препровадзел тоту ноц. Витор лебо птица рушела конар, а я уж будни. Задримал сом дакус аж над раном.

Кед слунко уж почало ошвицовац верхї леса, схопел сом ше и пуцел далей. Першираз ми ше видзело, же там вишло, одкадз сом го чекал. Ясни дзень дзвигал розположенє. Виграбал сом ше на найвисше древо розпатриц край. Лем цо ше обрацим тадзи на юг, збачим широку стриберну смугу — рика Льохта. Радосц велька. Ту ма будз дзешка и варошиц Луза. Поцешени, же знам кадзи исц, зишол сом и пошол швидко — бегцом. О годзинудва я дошол до цилю. Предомну нїдзе нїкого, лем широка вода, лес и смутни мир. Шеднул сом себе та думам, же як би преїсц тоту триферталї километра ширину. Луза була висока, силна, брудна и шметна. Вода видно не опадала, бо ношела гранє, сухе древо, словом рика у тих странах, то природна метла, цо ю Бог створел у тим дзивим краю, же би даяки порядок зробела у тих пралесох. Але ношела вона швидко до лядового моря не лем пралесово шмече, було местами и криги.

Морщел сом ше, джк сом ше припатрал. Ходзел сом брегом горе-долу додумовал ше згоди, але безнаїдно. Пришол ми на розум стих псалма: „На риках вавилонских, тамо сидохом и плакахом“. Але и плакац не було

нужно, ша води було и так вецей як треба, а же мой положай бул горши од губернаторового, и то правда. На дар з неба, не мал сом цо чекац, правиц сплав нет зос чим, бо шекера остала при Рибченкови. Єдине цо ми остало — преплївац. А чи я преплївам вислабени, а ту и шмати и торба з хлебом и рибами?

Попробовал сом з руку, же яка вода — жимна — лама. Пошол я брегом аж до першого закрута, а там у води при краю груба салфа Чи би ме вона не пренєсла? Лем вона, бо инак ту мушим лєтовац.

Шицку надїю сом здал на Бога, торбу заруцел на плеца, до рук длугу палицу вжал, шеднул на ценши край салфи и одрилел ше од краю. Ноги як зашли по колена до води такой одревнели, а хладне ми як брамушки по цалим хрибце прешло. Вожел сом сцїха, бо цо далей, поставало ми страшнейше. Нашол сом ше як на мутним морю. Салфа груба, лєдво сом ше з ногами на ней тримал; найменши мой нерозважни рух и я у води.

Дошол сом до стредку. Руки ми вистали веслац, а ноги одревнети як да ми их дахто з пилку резал; лїва була уж цалком не моя, бо ми од жимного зацєрпла. Престал сом робиц з руками у води, та сом ногу сцел ожиц. Док я на ногу обрацел увагу, струя ми салфу обрацела крижом, я ше покивал и плюс до води. Думал сом же озда ошалїм у тим ляду и страху. И розум ми задубел, сами ше руки таргали за животом...

Вибулькнул сом з води як зос огню. Преруцел сом себе на плеца торбу, бо ми ше



ЗБЕШНЕТОСЦ

Збешнетосц оберача хорота, котрей причина ище непознати вирус, а состої ше у появох помуцєня свидомосци. Зараза ше препроши укушеньом од едней животинї на другу и на человека. Збешнетосц ше появює на цалим швецє у главним найчастейше при псох и мачкох, вец при дзивих жвирах, вовкох и швиных. Человек ше обично заражує з укушеньом збешнетога пса, лебо давней животинї. Вирус у збешнетей животинї находзи ше у живцох, а вец у шліни и мозгу. Збешнетосц обично звершує зос шмерцу. През не ранету скору не може присц до зараженя. Шліна збешнетей швинї ма найвекшу заразну опасносц, кед ше поява перши знаки збешнетосци. При збешнєню розликуєме 3 часци:

Початна часц. Збешнєти псє уж ше не влада як обично, але постає злей волї, зацагує ше по закутках гледаюци мир и заклон од шветла, кед го повола газда, не радо ше одзива. Свойо место, лжанє часто меня, указує якиш немир, гребе з ногами ходзи по дворе, параз станє, ягод да дацо уважно нюха заш забреше, лапа з пискама коло себе, ягод да дацо лапа. Псє зна у тим часу гу газдови буц умиляти, док на страних людзох напада.

У дальшим розвиваню хороти поставаю пси вше баржей роздражени. Кед такого пса дахто домашнї лєм з руку погласка, а поготово кед му ше загрожи, зна укушиц за руку. Напада през причини на псох, з котрима ведно жил, шкрабе и куса гєвто место дзе бул укушени. Воля за єдзєньом ше пременї. Найлєпше єдло лєдво доруши, вежне дакус до пискох и заш го пуци, док на концу недєба за пїлким єдлом. Пси беру до пискох и грижу нацо наиду. У тим ше часу видзи же пси нєможу лїгац, же напада блюванє, же

на главу здзала и плївам. Лядова жима у води щипала мойо цело, як да го тисяци квачки роздзерали.

Боже! А цо кед не здогонїм салфу... кед ме ту корч сцагне?... Прегинал сом ше, силувал ше, на шицки способи сом плївал... а салфа ище далєко одомнє, несли ю габи предомну. Попатрим же дзе край... анї не видно.

Боже, помож, дай сили... салфа єдина надїя, єдинє спасєнє... И рубал сом воду з рукама, руцал сом ше шицок, лапал сом ше габи и зос зубами. И уж недалєко — три метери, два, метер и уж... Силох понєстава. Лїву руку ми корч почал сцаговац... Боже, наисце?... пред очми ми ше зацмєло...

Рубєм ище зос праву — лїва не моя. Подбивам ю з ногу, не дзвига ше... Господи, та уж ту мам препаднуц?... Боже, будз милостиви, ище лєм минутку, лєм секунду, лєм раз. Уж, уж, зос зубами, уж... зошлїсло ше. Боже дай духа, ище раз... и облапел сом салфу, припил ше гу нєй.

Лопоцєло ми у першох, стрикало до слихох, цмєло ше пред очми, а так и у мозгу. Шицок ше трешєм. корманьовац сом не мал сили, препущєл сом ше габом. Оддихнул сом дакус, попатрєл: рика нагло круци на прави бок, а мою салфу нєше просто гу краю. Причєкал сом згону, кед сом найблїжей при краю бул, сциснул сом остатнїраз свойого спаситєля-салфу и руцєл ше плївац гу брегу. Тєраз сом уж не чул тоту лядову жиму як на початку, рубал сом воду зос цалим целом и за даскєльо минути вишол на брег. Шицкого ме трєсло...

Лєгнул сом мокри до гуцави, руцал сом ше, преврацал дас годзину, а вец сом уж не мог вецєй витримац. Розбєгнул сом ше до лєса и ровно бежал. Зограєл сом ше та ме дакус прєшло. Мерковал сом над планом: мам исц

маю жажду за воду, па гледаю воду и пробую пиц, але мало пию, бо їм завадзаю корчи у гарлє. Надалєй пси лїжу жєм найдзєни ствари грижу и цо можу од того лїгаю зос свойого дому обично сцєкню, а кед то не можу вец грижу шицко з таку силу, же себе шицки зуби поламу. Кед ше им уда сцєкнуц, вец блукаю ше през цїля и одпочивку, и прєйду часто вєльки драги. Дому ше обично не врацаю, но и кед ше враца, вец приходза попарани, розтаргани, забабрани, та ше зацагую до даякого заклону, ягод да ше боя кари. Збешнєти псє напада на каждого пса, котрого стрєтєнє на дражє и грижє през гласа обично за главу. Кед нападнути псє сцєкнє збешнєти не идє за нїм, але бежи далєй свойов драгов. Збешнєти псє у борби нєда од себе гласа, док нападнути псє ше надєра.

Збешнєти псє ридко человека подмукло укуши и напада, але го укуши кед му придзє человек на драгу. Збешнєти псє грижє и свойо власнє цело и одрє часто власнє мєсо аж до косци. Таки нападаї знаю дакус попуциц и вец збешнєти лєжи, чєжко дихаюци, лебо стої; док му очи зачервєнєти. За кратки час приходза заш нападаї. Брєше збешнєти псє прєхрипнуто, якошик ягод у двогласу, а по першим збрєханю приходзи длугє урланє. У тим часу збешнетосци не можу пси лїгац анї воду анї храну. Сам попатрунок на воду виволує корчи, котри давя животиню, ягод да ю задава.

Збешнетосц тирва пол до три днї. Вецка наступи час винємоглосци, найперше настава ослабєнє долнєй чєлюсци, прєцо долня чєлюсц виши и писки отворєни. Вец приходза ослабєня ногох, хвоста, мишицох и ногох. Пси ходза ганливо, заднїм крайом заноша, хвост виши ягод да є завязани и на концу животинї, не можу анї ходзиц анї стац. У тим стєпену хороти схудню пси нагло и барз па од загальнєй слабосци за кратки час загино.

Крєм шицких наведзєних знакох збешнєнєя, єст при псох ище єдна фурма збешнєнєя, дзе збешнєти псє не будзє нападац, то т. зв. мирна збешнетосц. Така збешнетосц далєко мєнєй опасна. (Дазєй будзє) С. К.

на юго-запад гу железници, а вона ма буц ту дзєшка недалєко.

Кед сом ше так добре зограєл у бєганю, постало ми приємно, осетєл сом глад, але сом не мал цо єсц. Було уж гу вечару и як ше цмєло, так и мой ход поставал вше помалши. Цалу сом ноц прєбул у єдним празним дрєвє глани и мокри. Запалїц огєнь сом не могол, бо ми ширки розмокли.

Накадзи ше почало розвидняц, виграбал сом ше на висшу сосну и розпатрєл край. Нїдзє нїч сом не збачєл. Анї рубану драгу, анї желєзницю, анї нїякей ознаки живота, лєм лєс, дзивица. То ме барз зармуцєло. Чи я не заблудзєл? Ой не дай Боже лєм то, бо прєпаднєм глани. Штурєл сом руку до кишєнки, назгартал сом дакус мокри отрушини и лїгнул галаво як найсмачнєйши колач.

Рушєл сом далєй, але небизовни сом бул, же чи добре идзєм.

Блукєл сом цали дзєнь, прєшол безкєнєчнє сухостої, лєзол по барох, мордовал ше а до глави ми стрикало цали дзєнь. Лєм да не заблудзим, бо длуго так глани не витримаю — спаднєм, не станєм вецєй...

И други дзєнь ми так прєшол. Вистати глани мотєл сом ше як муха по тих пралєсох. Кед сом на єдзєнє подумал, та ми аж диханє ставало. Отупєл сом трєцого днєя. Повитрєсал сом шицки кишєнки, жєдол и половку самєй кишєнки. Почал сом падац. Кажду сом годзину мушєл прєлєжац, а вше длужєй. Господи! Так ше то ма скончиц? Дзє же ми надїя?...

Уж сом прєстал гледац драгу. Ище можє дас дзєнь так витримаю, а вец гуя... на вики... Од тєй думи сом ище баржей дурєл, преврацал ше по жєми у розпуки. И прєклїнал сом дзєнь, кед сом надумал сцєкац, и годзину, кед сом ше на швет народзєл и шицко на швецє... У тих страшнєх мукох, я ше модлєл, да Бог

Крижевци.

Од другєй недзєлї Вєлького посту до Квитнєй недзєлї будзє прєосвящєни Владика робиц визитацию у парохийох Сримского дєканату. Початок на другу недзєлю поста у Петровцох, а докєнчєнє у Бачинцох.

Р и м.

Профєсор Дюрїч тих днєох вилєжєл на вистави у Риму свойо 50 образи. Там вилєжєни и образи з Керєстурскєй цєркви. Фотографий Керєстурскєй цєркви у красним албуму придал Дюрїч Всєлєньскому Архїєрєю на памятку у приватнєй аудїєнций. Папа Пий XI. прєпатрєл тоти фотографий. Вони му ше пачєли и Папа похвалєл профєсору Дюрїча.

Радуєме ше и ми винчуєме профєсору Дюрїчови!

Немецка ше приправя.

За цо? — запитацє. Приправя ше за случай войни, да ю вигрєв, да не настрада так, як у шветовєй войни. Уж тєди нємєцки учєни хємики винашли кояки „єрзаци“ з котрима замєнєвали тоти за живот потребнє ствари, котрих Нємєцка нєма, а од инкадз привєсц нє могла. По войни Нємєцка ище худобнєйша на рижни сирови материяли бо страцєла колоний у Африки. Гу тому наука шветовєй войни наганя нємєцких учєних, да видумую далєй нови „єрзаци“, штучно направєни материяли, же би у случай войни Нємєцка мала шицко свойо, цо потребнє и за прєкармєнє житєльства и за самє войованє.

Так на приклад Нємци рєбя рижни платна зос дрєва, витрийол, бензин, масц за єдзєнє и мидло зос угля. Нєшка мож у Нємєцкєй купиц таки шмати, плахти, партки, котрих кєд их сцєцє райбац як ше дотєраз шмати райбали, розтопя ше на лїпкацу мачанку. Зато єст окрєми способ райбаня таких шматох и при купованю достава ше цидулка з пораду, як ше дотичнє платно ма райбац. Нєшка Нємци поша шмати направєни найвєцєй зос штучнєй волни, цо ю правя зос — млєка.

Так то нужда шицкому научи.

пошлє на мнє голєм жвира, да лебо вон мнє лебо я його повєм...

Док сом так лєжал збачєл сом брєзово младє дрєво. Здогадаєл сом ше же ми ище на пункту хлапци приповєдали, же брєза ма сок, цо го мож пиц. Прицагнул сом ше гу нєй, закушєл и почал вицицвовац. Указало ше сладкє. О даяки час сом очувствовал, же як да оживюєм. Урезал сом з бичаком глїбшє и пил сом сок озда и годзину. Але з того було мало хасну. Кед сом станул, рушєл далєй, почали жалудково муки. Думал сом, же ше ми чєрєва потаргаю. Шицко сом вируцєл.

Пол днєя сом лєжал без сїлох. Боже, ратуј мє, чуй крик мойї души, змилуй ше! Ратуј, гоч зос руку конвој! Умрєц ту у лєше, у блацє, Гисподи, якє страшнє!... Нїхто не будзє знац же дзє... не повє синови... дзє згинул оцєц... Боже, змилуй ше!...

Лєжал сом наполи живи, але сом ше борєл за живот. Огризол сом скору з єдного дрєва, покєдз сом достал. Жувєл сом — смаковало. Заглушєл сом дакус глад, станул и рушєл по мали далєй.

Док сом так з ноги на ногу крачал, збачєл сом у єднєй видубєнєй сосни краснє мєдвєжє. Пришєднул сом, зацєрпнул озда не зос страху, але з нєсподзиванки. Мєдвєжє упарло свой мили погляд на мнє, а я наньго.

Баш тєди кєд сом уживєл у тим младким сотворєню Божим, з боку у лєшє запрєскало сухє гране, а мнє як да хтошка шєпнул „сцєкай“ и я нараз лєцєл до гуцави на лїво. Цо далєй, лєс бул ридши. На мою радосц вошол сом до рубаного лєсу. Прєжєгнаєл сом ше... Боже, ту ипак єст озда якиш живот, бо знаки ту. Жили ми ше напољнєли зос крєву, жившє ноги рушєли. Ишол сом, лєцєл сом. Дзєшка и вистатосц скапала, а так и глад. Нагажєл сом и на дражку, а далєй, ище сом ше баржей



Фашенги у Ст. Вербаше.

Руски Вербас нема ніяку просвітну організацію. Мал дилетанске дружтво за представи, котре було и красни представи давало, а тераз и то престало.

Прето добре зробели браца Коцурци, котри лем не давно започали свой просвітний рух, — и уж дома и индзей (у Керестуре) указали, же су свидоми Русини, а не москове, як би їх на силу прекресциц сцели несовистни авантуристични агенти, пре котрих спревоцки наш народ так вельо страдал.

Щесце же наш трезвени и искусни народ не подал ше шильком назови студентох четнікох и койяких троженцох попох, та и сам превидзел, же и вон шлебодни у Югославиї, и же му непотребни пройдуснитово агитаторе, да му розум соля, — та сам себе основал свою власну руску просвиту, т. е. просвітну організацію скапчану зос РНПД-ом як просвітну організацію шицких югославянских Русинох.

Застрашени народ од нових „просвіташох“ чежко було организовац пре терор народних одступнікох, котри ше лапали за кажде слово гоч дзе виповедзене, да ше вимсца своїм руским братом. Ту були не єдни прешлїдованя и невіно осудзени, а було аж и таких адвокатох-братах, котри ше грожели, же нас шицких през граніцу преруца, а история, котрей правду не мож зачиткац — пове своєю о тих страданьох нашого народу пре одступнікох и укаже, же „правда все горою.“

зрадовал — предомну була блїщаца смуга — шини желєзней драги. Боже! Дзе ме ведзеш? Чи на драгу шлебоди, чи до рукох конвоя?... Сетел сом ше того, як сом недавно пред тим благал Бога, да пошле на мене гоч и конвоя, лем най ту не згинем, а тераз уж виберам. Доганял сом сам себе.

И з молитву „най будзе воля твоя“ пошол сом попри шиниох шимело без страху. Пришеднул сом, замар од шесца — як похибени...

Господи, широ Ци дзекуєм, же ши ме вивед на драгу... пребач, же сом на Це нарикал, падал до розпуки.

Пооглядал сом ше, ослуховав... нігдзе нікого, цихо як у гробе... но здихнул сом себе, прежегал ше, гайде... Господи помож и далей...

И забул сом за вистатосц, пуцел сом ше по шлиперох помедзи шини бегцом. Пачела ше ми драга, бо була тварда, яку я уж давно не видзел. За пол годзини сом ту вецей прешол, як по леше за три дні.

З каждим крочайом сом бул блїжей гу цилю, України, синові, фамеліи и шлебоди. Ишол сом, понаглял як гу милей...

Нараз — гоп! Стої цошка предомну, не руша ше. Скочел сом на процивни бок як воно стало — воно стої. Пришол по ярку блїжей, на чловєка не здабе. Ище блїжей... а бодай тебе... километров слуп, а на нїм пише 15 км. Ага! Од початку желєзней драги потадз вст петнац километри — не вельо. Треба мерковац на себе, то ище Соловки!

И далей сом бежал, падал од слабосци, наберал духу и заш ставал и далей. Сили слабли...

Заш цошка... Упатрел сом ше... будка. Длуго сом з далека обиходзел, опатрал и привидзовало ше ми, же когошик видзим, але ніхто ше не озивал. Приступел сом блїжей — згнїти наскладани праги спод шинох... Одпочивац...

Длуго сом далей не роздумовал, зашол сом глїбше на бок до леса и задубел гладни, вистати замарзнути. Преспал сом там и ютрейшій дзень. (слїдує II. часц III. кнїжки.) Т.

Так ше стало и у нашим Коцуре. Перше ше зишла мала громадка наших младих людзох, да ше организовани уча своїму. Але тота мала громадка на фришко нароста на вельку громаду — просвітну організацію.

Початок вшадзи чежки, а ми шицки знаме, же найчежши бул баш у Коцуре. Але братство и пожертвовна любов гу своїму шицки перепони премогла и тераз уж там свидомосц и просвітна робота аж вре.

Тоти подїи и свидомосц наших младих Русинох нового Коцура уж ніхто не може затаїц, гибаль заглулавени и упарти противніки народу руского.

Прето ше шицки радуєме, кед таке можеме твердзиц з нашим руским Коцуре.

Прето приемле несподзіванка була, кед млада коцурска „Просвіта“ (дилетантски и шпивацки хор) пришли несподзівано до Вербасу, да забавя и просвітно дзвигаю своїх братох.

То було 26. II. вечар. Не гледаючи материялни хасен, пришли члени „Просвіти“ на автобусу, бициклох и кочох и приготувели нам прекрасни вечар у своїх представох и наших милих руско-українских писньох у рускей гостилниці вд. Иван Ирїни.

Гоч не була представа на час оглашена руснаци вербаски пополнєли не лем вельку салу, але и шицки просторїи тей гостилниці, а котри не знали о тим баную, же не могли участвовац у нашей народней забави, вешелю и виразу братскей любви.

Програм вечар бул таки :

- 1.) Привит госцох од страни вербащаньох.
- 2.) Хор одшпивал три писні українски.
- 3.) „Просвіта“, гумористичка актовка у двоох дїюх.
- 4.) Хор три народни писні.
- 5.) „О х, тота швєкра“, комендию у єдним дїю.
- 6.) Хор одшпивал три нар. українски писні.
- 7.) Законьченє з бешеду „Просвіти“ гу вербаским Русиним.

Шицки точки програма були з вельким успехом окончени и чежко пресудзиц хтори точки були лепше виведзени: чи шпивацкогo хору чи способних дилетантох. И єдни и други зробели вельке и приємне вражїне на слухачох, та легко мож було обачиц задовољство слухачох, котре наградело шпивачох и представячох з частим клякненьох.

Так нам мило и хасновито прешол тот забавно-поучни вечар.

Вербащань.

Руски Керестур

Жалосна поява случела ше у нашим валалє. Даскельо школски дзеци влапени у крадежи же крадли цудзу конопу (пол метера) и инше, до чого дошли. Ту маме жалосну слику, як слабо нашо родителє на свойо дзеци меркую. Бо до тей велькей крадежи не пришли дзеци параз, мушели ше вони учиц з меншим, мушели ше сходзиц зоз злима пайташами, а родителє тото не обачели. И у тим найвекше зло, же велїм нашим людзом шицко друге важнєше, як добре вихованє своїх дзецох. А ище горше, кед оец чи мац тримаю, же їх дзецко такє добре и ніч злого зробиц не може. Виновати и тот обичай, же ше у нас през дзень старши поросходза здому кой на роботу а кой на пратки и „бешеду“ (тераз вжи-ме) а дзеци з дому виганяю, да дацо сами не напаратую. Так ше дзеци ховаю поза домом, по драже и у кояких дружтвох.

Прешлого року були нешумни хири о дзвичатох, а тераз о дзецох цо вєц будзе далей? Слава Богу єст и добри и розумни родителє, цо видза одкаль зло приходзи и сцели би го препречиц, але им други не даю. Бо єст

таки лєгкомислени родителє, цо сами свойо дзеци до препасцидриляю. Неприємно нам такє споминац и писац, але мушїме, бо свойо дзеци любїме и стало нам, да маю добру будучносц и добри глас. Застарани оец.

Петровци.

НОВИ БИЛИ КРИЖ У ЦЕРКВИ.

Тих дньох пошвєцени у нашей церкви єден наисце красни били вишнвани криж, котри даровала церкви Павлини Сєгєди родз. Югас. Иста уложела вельо труду, тронку и знаня, док нам даровала тото цо могла даровац, а на чим ей управа церкви и шицки ми Петровчанє благодариме, як цо ей и при пошвєчаню крижа заблагодарел наш о. парох. Як кума при пошвєчаню крижа була мала пейц рочна Любица Сєгєди, дзвичє Павлиново, котре свойо зашпивани и зашпоровани пенєжи 50 Динари даровало на церковни потреби. Наисце красни приклад пожертвовносци малого пейц рочного дзецка.

Нова бурза у церкви.

Тих дньох достала пана Церква красну нову бурзу, занеше не Божого Цєла гу хорим. До терашня бурза була уж подрана, стара и потребно було набавиц нову. Нашла ше єдна млада пара и то Колода Янко Митров и його супруга Штефанчик Юлиана, котри дали 100 динари на потребни материял, а нашо керестурски шєстри задармо зошили бурзу и гу тому ище крашне вишиту шкатулку за триманє ложички за причасц... Такє дацо зробиц то наисце лем шєстри можу.

Шицким дарователєм благодариме, и до Господа Бога модлїме винаградзєнє створицєю.

Петровчанє.

Цо пише бачи Дюра?

Бачи Дюра ше гнївал пре — Ержу. Бачи Дюра уж будзе писац о политики, у рукавицох.

Слава Исусу Христу и на вики му слава Панє редакторе.

Но та панє, уж вам заш пишем гоч сом ше зарек, же нігда вецей пирко до руки не вежнем. А на вас сом ше так барз спрочивел.

Дзе ви видали давац у новинох право гласа бабом. Баба Ержа, гварице писала. До хлопских роботох — баби береце. Я од ганьби пред людзох нешїмем висц. Ходзим по валалє, а стретам людзох. Та так патрели на мене, як кед бим з мертвих воскреснул. А єдних сом аж и чул як ше розгваряю.

— Пала бачи Дура.

А други гвари :

— Ей, але ти глупи видно же не провадиши политику. Та ти не знаш же бачи Дюра уж у сукньох ходзи.

А то вон знаце думал же я и баба Ержа та єдно, лем кед сом почал бабу Ержу писац та же сом обљєкол сукню.

Идз модлїм не нансцє ши не розумни думал я себе.

Та ти не видиши, же то не єдно писанє. Я пишем културно, а тота баба так на просто. —

Но та цо вам будзем далєй писац о тим моїм гнїву. Можем вам лем тельо повєсц, же пре тот гнїв я пошол на школи. — На школи дабоме. Бул сом у Бєограду та там ме и поучели як до новинох треба писац, да ме баби не преберу, а да ше дахто не спрочиви. — Научел сом вельо койчого, цо вам нансцє и вашим новином будзе на векну часц служиц як єдна баба Ержа.

Мойо сунєди ше дознали кед сом пришол зос тих школох, та розглашєли по валалє же бачи Дюра пошол на поуку, та гинто кед сом ше врацел, уж ме обчєковали як чу-

до, на концу валала. Озда думали же убежем з малпишку до валала, а на бицигли.

Но а я пришол помали пешо як одному ученому човекови и спада:

Ище сом ані не поздравкал, а гевти уж навалели на мене.

— Дзе сце бачи Дюро, ту тельо работи а вас нет.

Уж зме почали з подписами, думали зме же вас премесцели.

— А други:

— О чим же бачи Дюро будзеце писац.

Я ше лем дакус ошмихнул, и запалел пипку, а вони знова на мие:

— Будзеце о балох писац?

— Не — гварим я...

— О виберанкох...

— Абсолютно — не. — Гуторим я по учено.

— О новей школи, о цеглох у валале, и о багренкох.

— Яких багренкох? — бо ані я о тим не знал.

— Ша о багренкох цо ше викопую... Уж у валале не будзе багренки лем ягода, тополя, ягода, тополя.

— О тим би ше дало агейце писац... Як же повеме; кед будземе сцец умрец, кед ше у валале вирубу шицки багренки. Не годни зме повесц: легли зме „под багренки“.

— А о тим найлгчйше. Повеме най пошев гробар бетеліну, та повеме — же зме легли под бетеліну. Уж теди мой сину шицко едно — чи лежиш под багреном чи под бетеліну. — Але ані о тим я не думал писац.

— Но та вец о чим? О тим як ше у валале побили, о новей школи?

— Не, — о вонкашніх стварох?

— Але, вец знаме... зйойча шицки. — О Петровцох будзеце писац, лебо о Бачинцох.

— Але, дзе? О политики у швецце будзем писац.

— А а а а а а?..

Аж розняли уста так ше зачудовали тоти людзе, а вец зме як процесия рушели з конца валала.

— Та о чим перше будзе.

— О чим? Видзели ви кед ше гинто зачервенело небо як даяка млада невеста.

Питал ше я, а од нїх хтошка замурчал:

— Та то не було як невеста, але як того мадыра папригара — нос.

— Но?

— Но та о тим думам писац — бо то ма вязу зос политику, лем же другираз.

Так зме ше розишли. Я пошол дому зрадовал ше баби, а вона по валале повесц же сом ше врацел. Тераз кед сцеце може вам уж и баба писац, бо и так вона не годна так учено и у рукавицох.

Но а дотля щешліви вам пост и очистите чувствия — бо вельке ше строї.

Писане у Керестуре, пред майсторским балом езер дзевецсто трицец осмого року, а писал го **бачи Дюра з Керестура.**

У МЕСАЦУ МАРТУ — най ше членн побожних дружтвох модля на намирения:

1. За дух правога покаяня, да ше шицки людзе добре споведаю и достойно примаю найсвятїшу Причасц.


2. Да нашо легинь и дзивки шорово нащивую по недзельох и праздникох катехични науки и да их добре запаметаю.

3. За благу шмерц шицких, котри у тим мешацу умру.

4. За шицких покойникох, а особливо за покойних членох наших дружтвох.

ДАРОВАЛИ НА ДРУКАРНЮ.

Преч. Дим. Н А Д Ъ, каноник,	400 Д.
Янко Павлович Р. Керестур,	50 "
Дюра Павлович "	50 "
Дюра Голик Ст.Тополе,	30 "
Сердчено дзекуюме!	



Нову румунску конституцию прияли Румуни зос общим гласаньом (плебисцитом) дня 24. фебруара. За конституцию гласало 99% гласательох. Румунска наисце жем вшеляких чудох и несподзиваньох.

Ото Габсбург ше неодрека престолу. На висти новинох, же Гитлер нводлуго присовдини Австрию Немецкей виявел найстарши син остатнього австрийского цара Карла Ото Габсбург, же ше вон не одрекне права на австрийски царски престол.

Пейцорочни турски план наоружаня. У шалвним обегованю за цовекиним наоружаньом не сце ані Турска заостац, гоч яка вона нешка малка, худобна и (слаба и спада до Азий, а не до Европи, бо у Европи ма лем малки фалат жеми зос Цариградом.) Турска влада виробела пейцорочни план наоружаня. У тим часу ма ше повекашац воздушне наоружане, направиц фабрика бомбардерох, танкох и дзелох, збудовац нови 20 подводни ладї и увесц войскову длужносц и за жени. То ето найвекши бриги Турскей.

Проци вимераня Французох. Паризки кардинал Вердие написал пастирске послание шицким Французом, у котрим виноши жалосну правду, же Французох вше меней и меней на швецце, бо французки жени не сцу родзиц дзеци. Лем жажда тїлесного уживаня найвещей тому виновата. Млади пари муша поштовац главни закон женїдби, а то е дзеци родзиц и дзеци ховац. Держава заш длужна помагац фамелиї, цо маю вецей дзеци.

Война и у Еспаниї и у Китаю як да уцихла. Нет векших биткох ані побидох. Японци заштрелвли свойого генерала Фуишима, бо ше слабо процивел ширеню большевизму у своей дивизии.

Держави балканского споразуму мали свою нараду у Анкари у турскей престолници. Заклучели, же ше буду далей тримац Союзу Народох и же признаваю Абесинию Италий: Югославия и Румунска уж направели приятельски споразум зос Италию та ше поволую и други два держави балканского споразуму, Греческа и Турска да тото исто зроби.

Контролу земледїлства уведла Сиверна Америка. Там од тераз будзе влада одредзовац кельо хто шме пошац жита, кукурици, памуку, рискаши и догану и тиж кельо ше шме предац. Закон тот сце препречиц превельку продукцию и осигурац земледїлцом добру цену.

НАШО БОГОСЛУЖЕНЕ У ПАРИЗУ.

У Паризу ест вельо наших людзох грекокатоликох, а ище вецей их ест поза Паризом у рижних местох, котри дотераз були без священника. Тераз им Преосв. митрополит А. Шептицкий послал о. Перидона и вон служел першу Службу 6. фебруара у голандскей католицкей церкви у Паризу.

На Службу пришол и паризки римокат. владика Шатал, даскелї министри и посланици рижних державох. О. Перидон отримал казань о нашей рускей грекокат. церкви и о нашем народу. Церква була полна наших людзох, Голандезох и Французох.

КРАТКО: У МЕКСИКУ на вароцьк Киза нападла една банда од 200 толвайох. Жителє ше бранели храбро и аж по 5-годиновой кирвавей борби з помоцу других валалох одбили толвайох. Були велї забиги и ранети. — ВЕЛЬКИ человек може буц кажди але — лем тїлесно. Американец Др. Рилд хвалї ше, же винашол лїк, од котрого з малкого человека вирошне вельки. — ФАБРИКА оружия Круп у Немецкей 1932. року мала 45.000 роботнїкох, а ишка дава роботу 176.000 роботнїком. — ШМЕРЦ ИЗДАЙНИКОМ. У Шангхаю, котри тераз тримаю Японци, нашли одрубану главу редактора китайских новинох котри писали за Японцох. При глави була цидулка, и на ней написано, же так будзе каждому Китайцу, котри пойдзе служии Японцом. — ВОЙСКОВУ СЛУЖБУ у Австриї предлужели од 12 на 18 мешаца. — ВАГОН витрийону згорел у фабрики „Мечник“ у Ст. Бечею. Даскельо роботнїци попечени.

Наша Держава

НАШО ШКОЛИ. Министер просвити Дим. Магарашевич гварел у Нар. Скупштини же Югославия ма у шицких школах миллион и 430.000 школярох. До основних школах ходзи ище премало дзеци (лем 9 проц. шицкого жительства у держави, а у других державох 12—13 проценти). Зато у штрелдних школах маме превельо школярох и же прето у Югославии ест вельо интеллигенциї без работи. Ту треба будзе направиц павзу и число такей интеллигенциї зменшац. Зато ше тераз за едно време не буду отверац нови гимназии. — Найвещей неписмених ест у Вербаскей бановини 65 проценти, а найменей у культурней Словениї лем 4 проценти. — Велї посланици признавали мимистру Магарашевичу, же ше наисце трудзи, да за народну просвиту цо вецей зроби.

НАШО ГАРЕШТИ. Югославия ма 11 вельких гарештох (казнени заводи). У нїх ест места за 6.270 особи, а початком того року було у гарештох 8.545. од того 8.098 хлопи. Число гарештантох рошне. И так преиного року пришло до гарешту нових 3.784. особи а вишло (одшедли свою кару) лем 1.641.

КАЖДИ 19-СТИ одросли человек бул на судзе у Югославии року 1936. пре даяку кривицу. Так гварел сам министер Правди Симонович у парламенту.

ВЕРСКА ПОРЦИЈА сербскоправосл. церкви у Герцеговини виноши тераз 7% на державну непосредну порцию и 030% на плацу держ. уряднїкох. Тельо одобрил министер финанцийох.

БУДОВЛЮ ЦЕРКВИ СВ. САВИ дума нови сербски патриарх Гаврило попонагляц и зато ше почне зос вибераньом на тоту церкву у całej держави.

СЕРБИ У САВСКОЙ БАНОВИНИ за-поставлени. Так ше скаржел у парламенту директор Сербскей банки у Загребу Микашинович. Вон гварел, же Серби у теї бановини чежко прилодза на високи положаї.

ПРИЯТКИ СЕРБСКОПРАВ. ЦЕРКВИ Мин. Правди Симонович виявел у Нар. Скупштини, же сербскоправосл. церква ма рочне 320 миллиони приятку, од держави и од свойого „верского“ прирезу, котри ви держави убера.

Жем под аренду
 Кто сце вжац жем у
 Сриме у Петровским хотаре
 32 кат. ют. на вецей роки,
 аренда у житу и кукурици —
 най ше обяви гу:
Сабов Владо
 Р. Керестур.